

Ո Ր Ո Շ ՈՒ Մ ԹԻՎ 243/6
վարչական տույժ նշանակելու մասին

10 մայիսի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժամանակավոր պաշտոնակատար Գոռ Բակլաջյանս, քննելով Անուշ Հրաչիկի Ներսիսյանի (հասցե՝ 4102, ՀՀ Տավուշի մարզ, ք. Այրում Բարեկամության փողոց N 11/20) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի՝

2022 թվականի ապրիլի 5-ին ՀՀ պետական եկամուտների կոմիտեի Արևելյան մաքսային վարչության Բագրատաշենի մաքսային կետ-բաժնի տարածք է ժամանել <<MERCEDES>> մակնիշի 36 DD 267 պետհամարանիշի մարդատար ավտոմեքենա: Հսկողություն իրականացնելու նպատակով ավտոմեքենան ուղարկվել է խորը զննման անգար, որտեղ իրականացվել է մաքսային զննում: Ավտոմեքենան վարել է ՀՀ քաղաքացի Անուշ Ներսիսյանը: Զննության արդյունքում պարզվել է, որ առկա է հայտարարագրման ենթակա ապրանք և մաքսային մարմնի պաշտոնատար անձի օրինական այն պահանջին, որ Ա. Ներսիսյանը պետք է իր մոտ առկա ապրանքը հայտարարագրի, վերջինս չի կատարել: Որից հետո վիրավորանքներ է հասցրել մաքսային տեսուչին և ապրանքը թողնելով խորը զննման անգարում հեռացել է: Ուղեփակոցի մոտ մաքսային մարմնի օրինական կանգ պահանջին չենթարկվելով՝ ավտոմեքենան դուրս է բերվել մաքսային հսկողության գոտուց:

Փաստի առթիվ Անուշ Ներսիսյանի նկատմամբ 05.04.2022 թվականին ՀՀ մաքսային օրենսգրքի 190-րդ, 191-րդ և 192-րդ հոդվածների հատկանիշներով կազմվել է մաքսային կանոնների խախտման վերաբերյալ արձանագրություն: Նշանակվել է գործի քննություն 10.05.2022 թվականին ժամը 10:30-ին, որի վերաբերյալ Անուշ Ներսիսյանը պատշաճ ծանուցվել է և ներկայացել է Արևելյան մաքսատուն-վարչություն:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության

տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 191-րդ հոդվածի համաձայն՝ մաքսային մարմնի սահմանված վայրում Հայաստանի Հանրապետության մաքսային սահմանով անցնող տրանսպորտային միջոցը չկանգնեցնելը՝ առաջացնում է տուգանքի նշանակում՝ 100.000 դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Մաքսային կարգավորման մասին ՀՀ օրենքի 14-րդ հոդվածի 3-րդ մասի համաձայն՝ մաքսային մարմինների և դրանց պաշտոնատար անձանց օրինական պահանջները չկատարելը հանգեցնում է Հայաստանի Հանրապետության օրենքով սահմանված պատասխանատվության:

Վարչական մարմինը քննելով գործում առկա ապացույցները գտնում է, որ Անուշ Ներսիսյանի արարքում առկա է ՀՀ մաքսային օրենսգրքի 191-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ:

Ելնելով վերոգրյալ հանգամանքների ուսումնասիրությունից, ղեկավարվելով ՀՀ մաքսային օրենսգրքի 191-րդ, 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի՝

1. ՀՀ մաքսային օրենսգրքի 191-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Անուշ Հրաչիկի Ներսիսյանին ենթարկել վարչական պատասխանատվության՝ տուգանելով 100.000 ՀՀ դրամի չափով:

3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

*Սույն որոշմամբ նշանակված արուգանքի վճարման հաշվեհամարն է. **900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):***

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ Ժ/Պ՝



ԳՈՒ ԲԱԿԼԱՉՅԱՆ